



第一二〇二冊

四庫全書

●上海古籍出版社

本冊目次

蘭	玉	秋	附	陳	芳	後	曹	年	附	雪
軒	井	巖		剛	谷		文		元	樓
	樵	詩		中			貞		史	
				詩			公		本	
集	唱	集	錄	集	集	錄	集	譜	傳	集

元王旭撰……………	元尹廷高撰……………	元陳宜甫撰……………	元陳孚撰……………	元徐明善撰……………	元曹伯啓撰……………	元程世京編……………	元程鉅夫撰……………
七二七	六九三	六七三	六二三	五四三	四七五	一	一

欽定四庫全書

集部
雪樓集
目錄
卷一

欽定四庫全書

集部五

雪樓集目錄

別集類四元

卷一

玉堂類藁一

制詔

諭

冊文

祭文

齋意

青詞

祝文

卷二

玉堂類藁二

制詞

卷三

玉堂類藁三

欽定四庫全書

雪樓集
目錄

制詞

卷四

玉堂類藁四

制詞

表

牋

致語

侍讀臣孫球覆勘

詳校官中書臣羅錦森

總校官庶吉士臣朱鈐

校對官編修臣楊壽楠

謄錄監生臣鄒貼詩

卷七

玉堂類藁七

敕賜碑

卷六

玉堂類藁六

敕賜碑

卷五

玉堂類藁五

敕賜碑

卷八

玉堂類藁八

敕賜碑

卷九

玉堂類藁九

敕賜碑

記
應制詩 贊

卷十

奏議存藁

卷十一

欽定四庫全書

書錄
目錄

記

卷十二

記

卷十三

記

卷十四

序

引

卷十五

序

引

卷十六

碑銘

卷十七

碑銘

卷十八

碑銘

卷十九

欽定四庫全書

書錄
目錄

碑銘

卷二十

碑銘

卷二十一

碑銘

卷二十二

碑銘

卷二十三

銘 箴 贊 說

祭文 祝文 書 啓

卷二十四

題跋

卷二十五

題跋 雜著

卷二十六

詩

欽定四庫全書

卷二十七

詩

卷二十八

詩

卷二十九

詩

卷三十

詩

樂府

臣等謹案雪樓集三十卷元程鉅夫撰鉅夫

初名文海以字行建昌人雪樓者鄧州有白

雪樓鉅夫嘗以名其寓故世即以是稱之鉅

夫少與吳澄同學宋末從季父飛卿入元遂

留宿衛世祖奇其才改授應奉翰林文字累

官翰林學士承旨追封楚國公謚文憲事蹟

具元史本傳鉅夫宏才博學被遇四朝忠亮

鯁直為時名臣虞集嘗稱宋季士習卑陋以

欽定四庫全書

雪樓集

五

時文相尚病其陳腐則以奇險相高江西尤

甚鉅夫始以平易正大之學振文風作士氣

元代古文之盛實自鉅夫創之蘇天爵元文

類亦錄鉅夫古文十餘篇大抵皆制誥碑版

紀功銘德之作而不及其詩蓋生平所注力

者在此其順宗謚冊諸篇元史亦有取焉誠

以廟堂制作溫厚典雅有合於訓誥遺風足

為歐陽修王安石等嗣音固非南宋以來雕

鍾藻續者所可及也鉅夫所撰如玉堂類稿

奏議存稿及詩文集雜著本各自為部其子

大本合輯為四十五卷門人揭傒斯校正之

此本併作三十卷乃至正癸卯其曾孫滑所

重編刊校未竟至明洪武甲戌詔取其書入

秘閣越明年始刊成之云乾隆四十五年五

月恭校上

欽定四庫全書

書樓集

總纂官_臣紀昀_臣陸錫熊_臣孫士毅

總校官_臣陸費墀

雪樓集原序

聲音與政通文章與時高下原其始則理與氣合道與時

合要其歸則亦泯然而無間三代而上醇乎醇者也漢

猶近古其文則雄偉渾厚由其氣質未漓故其發為聲

音者似之魏晉以降剝剖分裂作者虎乎其不醇豈風氣

乖而習弗善與至唐韓柳氏出起弊扶弱剗垢易新遂

為後世作者之宗匠宋盛於前而靡於後金則無以議

為也我國家以泰初混龐之氣開闢宇宙世祖皇帝合

欽定四庫全書

雪樓集

南北為一家于斯之時人物之生辟猶春陽始達生意

奮發甲者畢圻勾者畢出挺英揚穎駢榮競秀條達暢

茂滋息雨露而收其實者也公生於宋淳祐己酉當我

憲宗嗣服前之二歲至至元丙子江南始平遂以侍子

入見尋命入翰林年方壯也自始識學至於有立其所

以儲精畜思藏器待時鬱而未施者固天所以遺聖明

之世膺作興之運以恢宏大業黼黻太平者也公之文

志本於仁義輔之以六經陳之為軌範措之為事業滔

滔滔汨汨如有源之水流而不窮曲折變化合自然之度

愈出愈偉誠可謂一代之作者矣初世皇之在潛邸也

已喜儒士凡天下之鴻才碩德靡不延訪招致左右爰

暨即位乃考文章明制度興禮制樂為天下法一時名

士彙征並進文采炳蔚度越前代如王文康公鶚王文

忠公磐李文正公治太常徐公世隆內翰圖克坦公履之

儔多前金遺逸皆為我用惟公南來際遇隆渥逮事四

朝四十餘年雖出入顯要而居侍從之列者有半仕履

欽定四庫全書

雪樓集
序文

二

之久一人而已故其謨謀獻納輸忠盡職一寓之文古

所謂立德立言而不可朽者公其有焉今其存者內外制

詞及諸稊文若干篇詩若干首樂府若干首摠四十五

卷仲子大本之所錄也嗚呼盛哉公諱文海字鉅夫後

避武宗御名以字行雪樓其號云至正十有四年歲在

甲午四月生明前一日後學李好文謹序

欽定四庫全書

雪樓集卷一

元 程文海 撰

玉堂類藁

制詔 諭 冊文

命中書省從新整治制

朕自即位以來累降詔旨圖治惟勤績效未著蓋司民

政者撫字乖方居風憲者彈劾失當不能副朕愛恤元

元之意今命右丞相達爾罕左丞相阿固台中書省官

欽定四庫全書

雪樓集
卷一

一

從新整治其布告天下凡在官守自今以始洗心易慮

各盡乃職貪污敗政者責罰黜降廉勤公正治有成效

者特加陞擢期於政化流行黎民安業共享和平之治

合行事理條列于后

命左右相詔 至大元年七月

中書政本也軍國之務大小由之朕自即位以來厲精

求治爰立輔相以總中書而期年于茲大效未著豈選

用之不當歟何萬幾之猶素而羣生之膏遂也今特命

左丞相塔斯布哈為中書右丞相太保哥塔特布濟克為中書左丞相統百官平庶政使者舉行弊者革去一新綜理諸內外合行大小事務並聽中書省區處間奏違越者論罪於戲設官分職慎毋紊於條綱持盈守成務先安於黎庶

皇慶改元詔 至大四年九月

朕賴天地祖宗之靈纂承聖緒永惟治古之隆羣生咸遂國以乂寧朕夙興夜寐不敢怠遑任賢使能興滯補敝庶其臻茲敘時五福用敷錫厥庶民朕之志也踰年改元厥有異典其以至大五年為皇慶元年

延祐改元詔 正月丁未

惟天惟祖宗眷佑有國朕自即位于今四年比者陰陽失和星芒示儆豈朕躬脩德之未至歟抑官吏之未選而政令之或非歟思以回天心召和氣側身脩行實切余衷庸勅攸司各共廼職爰布惟新之令誕敷濟衆之仁可改皇慶三年為延祐元年於戲以實應天爰聿新

於庶政用孚有衆同保合於太和

諭立魯齋書院

諭陝西行省行臺大小諸衙門官吏人等中書省奏御史臺言故中書左丞許衡首明理學尊為儒師世祖皇帝在潛邸嘗以禮徵至六盤山提舉陝右學校文風大行西臺侍御史趙世延請依他郡先賢過化之地為立書院前齊哩克現總管王某獻地宅以成之延請前國子司業某同主領教生徒乞降旨撥田養士將王某量加旌勸准奏可賜額曰魯齋書院仰所在官司量撥係官田土入學奉朔望春秋之祀修繕祠宇廩餼師生務在作養人材講習道義以備擢用從本路正官主領敦勸行省行臺常加勉勵其王某令有司別加旌表仍禁治過往使臣官員人等毋得在內停止褻瀆飲宴聚理詞訟造作工役應瞻學產業書院公事毋得諸人侵擾彼或恃此為過作非寧不知懼

順宗皇帝上尊諡冊文

臣聞顯親所以為子追遠所以厚民矧必百世祀而位弗隆為天子父而養弗逮流光積慶爰集眇躬亦既踐阼而繼先猷是宜稱秩而躋廟祐以循彝典以達純誠欽惟皇考皇帝淵穆有容神明莫測文孫文子鍾至愛於兩宮宜君宜王膺具瞻於四海當璧之祥未卜棄屣之迹已遙興言欲報之恩昊天罔極對越有成之命夙夜惟寅昭哉玄德之升聖矣生知之異行莫行於昌後嗣而有天下孝莫孝於配前烈而茂本支念茲繼體之欽定四庫全書

孝經集

四

初實切終身之慕謹遣攝太尉某奉冊寶上尊謚曰昭聖行孝皇帝廟號順宗伏惟明降監序于祖宗攸躋攸寧永錫祚胤謹言

皇后玉冊文

皇慶二年二月

皇帝若曰朕荷天地祖宗之佑皇太后之訓嗣大歷服思底于治必樹元配表正六宮咨爾翁言喇特氏是我家世戚嫡嗣所自出積德流慶肆啓爾來嬪于朕淑慎孝恭令譽昭聞承命慈闈爰正爾位今遣攝太尉右丞相

圖固勒授爾玉冊王寶命爾為皇后惟天地定位萬物以生日月並照萬國以明君后合德萬化以成上以事上帝承宗廟下以親九族正萬邦為朕內助惟爾之賢其永念厥德履中體順俾聖母暨予一人以寧匪惟爾嘉天亦永相念爾共享我有國欽哉

皇太后加上尊號玉冊文

維延祐三年歲次乙卯三月己酉朔越二十有二日庚午皇帝臣

欽定四庫全書

孝經集

五

基尚矣況母儀天下德厚功隆者哉欽惟儀天興聖慈仁昭懿壽元皇太后陛下開兩朝之帝業紹祖宗之正傳曠古所稀於斯為盛以臣京兆非鞠有教誨底于有成定神器而措諸安遏亂略而反之正不動聲色天下歸仁惟我聖母全德之致也自登大位八方謚清華夏蠻貊罔不率俾亦惟我聖母泰寧之應也日月星辰循其軌天地祖考降之祐九族既睦品物咸亨持盈守成臣何力焉亦惟我聖母福慶之積也然而治效方隆徽稱

未備宜益崇高之號允合天人之心是用參稽典禮
倦懇懇謹奉玉冊王寶加上尊號曰儀天興聖慈仁昭
懿壽元全德泰寧福慶皇太后欽惟陛下得一以寧至
靜而方慈儉為寶弟祿是康永錫祚肩俾熾俾昌受茲
顯號萬壽無疆臣鉅夫誠懼誠忝稽首再拜謹言

祭文 齊意 青詞

皇太后遣使祭諸神文一十九首

后土 平陽路

欽定四庫全書

書禮集

六

坤靈承天子育萬有丕基攸託元造以成念茲長樂之
安居實自無疆之厚德爰伸信指少達純誠以報以祈
永扶昌運

東岳泰山 泰安州

山岳之重尊盛為宗配天芘民國賴禔福端居長樂密
藉洪休禮具報祈益昌祚膺

南岳衡山 潭州路

祝融紫蓋屏蔽天南清淑之靈無遠弗届

同上

西岳華山 華州

太華峙秀上司金天靈貺所加年豐物富

同上

北岳恒山 保定路曲陽縣

奠茲朔野仰止恒山凜然風威降佑作善

同上

中岳嵩山 河南府路

嵩神峻極天地之中兆祉發祥均于四表

同上

江瀆 成都府

川瀆共尊維江之永滔滔南紀澤及邇遐長樂安居寶

欽定四庫全書

書禮集

七

永洪潤報祈魚舉流祚無疆

河瀆 河中府

啓派自天界于中土瞻言福澤端共靈長

同上

淮瀆 唐州

桐栢之源實參名瀆格于幽顯惟神是司

同上

濟瀆 懷孟路

導汎發祥源清行遠利澤之性潛顯無殊

同上

東海 萊州

三神出沒百川朝宗朝陽既升景昃斯至安居長樂敢昧所原因報有祈永綿丕祚

南海 廣州

扶胥黃木殿有典文匪今斯今邦國徽福 同上

西海 河清附祭

虞淵汎濫水環神州涵佑蓄祥流光景命 同上

北海 濟瀆附祭

玄冥之壑鯤化之池是為靈淵皇圖式固 同上

欽定四庫全書

雪樓集

東鎮沂山 登州

琅瑯穹隆作鎮東夏蓄洩雲雨集于休祥長樂靜深敢

忘鴻佑報祈備舉益羣丕基

南鎮會稽山 紹興路

夏后登封玉帛萬國靈光永祚今古攸同 同上

西鎮吳山 隴州

汧岐之間古稱吳岳金方巨鎮平秩西成 同上

北鎮醫巫閭山 高州

奕奕龍山有周已顯仰高錫厚永奠皇圖 同上

中鎮霍山 霍州

陰陽之交必有崇鎮蟠深錫鉅奠于土中 同上

翁郭察園建宮殿祭文四首

太歲

伏以肇建皇居戴安輶座仰歲君之鎮靜懼役事之震

驚穆卜剛辰式陳明薦伏願京邑翼翼莫此八方四維

福祿穰穰至于萬年億載

欽定四庫全書

雪樓集

后土

伏以帝居肇造黼辰戴安惟爾有神實司后土式伸昭

告以格洪休伏願萬國來朝共仰京都之壯麗億年當

寧永憑神力之護持

九良

伏以皇居肇造黼辰戴安惟爾九良之神實司土木之

柄軌陳非薦用介繁禧伏願極正京畿來梯航於萬國

尊瞻帝座保福祿於億年

安吻告諸神

伏以宮殿肇新始安吻吻神祇擁護用介鴻休穆卜剛辰式嚴祀事伏願梯航萬國仰京邑以來朝福祿億年保皇圖之永固

天壽節萬壽延真宮建醮道場文二首

齊意

伏以天申休命丕承積慶之基序屬孟秋適屆誕彌之旦念生成之有造薦蠲潔以達誠靈宇載嚴真遊所集爰肅陳於淨醮祈上格於高穹伏願諸福來崇克彰於善應萬靈增固永保於無疆

青詞

伏以大道無言容啓乾嘉之運七月流火載符夙震之辰爰即琳宮肅陳清醮伏念丕圖全付涼德奚堪期迓續於天休必祇承於帝命蘋蘩諡藻昭明德之惟馨上下神祇賴至誠之可動尚惟純佑俯賜鑒觀伏願祉錫眇躬保皇基之鞏固福隆太母介萬壽以怡愉嘉與羣

生同臻至治

又行宮建醮事道場文二首

齊意

伏以天啓皇圖用申休命時惟秋孟適屆誕彌謹於十七日命萬壽延真宮道士一壇就幄殿之次修建正一消災集慶清醮若干分位肅延醮馭敬演玄科伏願上帝垂慈衆真降監聖躬康泰享九州四海之隆平太母怡愉同德載萬年之長壽

欽定四庫全書

青樓集

上

青詞

伏以曰旦曰明容運監觀之造載震載夙適逢生育之期爰肅行宮恪陳清醮伏念皇圖至重帝命惟新顧夙夜之祇承若淵冰而求濟不言善應雖黍稷之非馨有感必通幸蘋蘩之可薦敬將誠意仰達高穹伏願申命用休保列聖太平之業介福于母奉萬年長樂之觴

上親祀太廟祝文

天鑒祖宗并茲大寶盈成之會嗣守為難益以美名中

心怵惕潔齋薦見祇奉明禋啓佑無疆式臻康乂

長春宮建金錄醮道場丈八首

齋意

伏以仰荷皇仁獲承大寶夙夜祇懼恐上拂於至和天地監臨矧升聞於涼德乃自去秋而後雨澤愆期復於暮春以來星芒示儆爰感陰陽之沴將為民物之災實深太后之驚疑益重眇躬之寅畏側身修省虔意禱祈謹命某官某道士於四月初五日就長春宮啓建上清

欽定四庫全書

宮醮集

上

正一金錄清醮二十四百分位修崇道場七晝夜之科歲教至某日滿散躅消既往之災逆續方來之慶伏願兩儀協序二氣致祥列星循度以安行諸福應誠而畢至風調雨順咸孚萬國之懽心時和歲豐永底慈闈之至養

風伯祝文

爰自去秋迄今春季時雨不降暴風頻興雲垂旆而屢塞澤雖下而未霑復觀乖曜宇于西維不勝恐懼之心

肅致禱禳之敬式稽金錄寅事琳宮惟神稟命帝廷實司風柄願作清塵之瑞大霽鳴條之威相齋事以圖成格天心之仁愛袂災潛掃膏澤下流清清泠泠俾四時之平秩熙熙皞皞遂萬物之生成

雨師祝文

去秋以來種不入土維春之暮星復示災謹稽金錄之科儀仰扣紫清而禳度賴神祇之交助庶肝鬲之潛通惟是明神實司雨澤願齋壇之清淨致上帝之盛觀咎證俱消甘霖時若曰暘而暘曰雨而雨實維豐年為君盡君為臣盡臣式寬憂願

欽定四庫全書

宮醮集

上

建壇青詞

天惟善應願感召之由人道本無方因祈禳而設教念陰陽之久否復星象之示愆祇即殊虔肅陳清醮歲事九朝之禮積誠七日之間建金錄之瑤壇啓琅函之玉字伏願齋忱上達帝監俯臨絕妖孽之萌芽災星退舍集福禱之潤澤甘雨應期下逮羣生悉資餘蔭

九朝青詞

馳馭降臨望清光而伊邇淵衷修省依道蔭以惟勤九
肅朝儀載陳奏牘伏念惟皇作極理物代天顧雨澤之
失期而星芒之示儆愆由眇已慮及羣生按金籙以修
齋仰璇穹而請命冀闕蠲消之路幸垂仁愛之心伏願
乾道清夷泰階正直庶徵各叙三光全而寒暑平六府
孔修五穀熟而人民育永同壽母祗紹慶圖

三清青詞

欽定四庫全書

雪樓集
卷一

十四

道妙沖虛無方而善應天心仁愛有感而必通稽金籙
以修齋望紫清而徵福伏念尊居人上職代天工自秋
以來閏甘霖之闊澤迨春之暮驚秋稔之耀芒豈政令
之失中抑膏澤之不下側身恐懼稽首祈禳伏願眷顧
淵衷祓除沴氣五風十雨臻禹疇肅聖之時億載萬年
奉文母怡愉之樂普資庶品同享太平

昊天青詞

眷命為君遇戡而懼見道知象有感則通稽首藥珠薦

誠蘋藻伏念位託臣民之上身膺歷數之歸自顧菲涼
未堪艱大不雨妨於東作有星孛于西維莫測其端豈
無所自貢綠章而罪已回蒼昊之好生伏願下監齋忱
潛消沴氣天其申命方開熙洽之期神之格思益介簡
穰之祉

后土青詞

天高聽下本仁愛以為心地靜德方必順承之有道仰
觀謹告俯切戰兢力祈上下之平成敬啓仙真而禳

欽定四庫全書

雪樓集
卷一

十五

伏念尊居五位望紫羣生方茲徭雨澤之來蘇俄復睹
星文之謫見深求其故內省諸身豈政令之失宜致陰
陽之為咎既騰章於蒼昊庸申告於鴻龐伏願六氣惟
均庶土交正田耕井飲野聞擊壤之謠雨施雲行時若
配天之澤

雪樓集卷一

欽定四庫全書

雪樓集卷二

元 程文海 撰

玉堂類藁

制詞

平章布拉吉達故曾祖父蘇布台贈勅忠宣力

佐命功臣太尉開府儀同三司上柱國公封

河南郡王謚忠定制

龍虎風雲昔共基於鴻業河山帶礪今宜表於駿功矧

欽定四庫全書

雪樓集
卷二

茲闕閱之崇宣有淵源之自具官某故曾祖父某風彰

孝勇妙蘊機權繇侍子而摠戎旃前無堅敵部降人而

專帥馭出有勁兵為王前驅靡國不到汴水之恩波未

竭牛關之妙算若神忠義傳家勲勞奕世生為柱國亦

何愧於古人墓表征西更覺榮於異日宜超爵列并侈

儀文祚以名邦錫之美謚蓋將為萬世之勸豈獨慰九

京之思於戲披荆棘以立朝廷既無忘於先烈聽鼓聲

而思將帥尤有望於後昆尚爾明靈服我休寵可

故曾祖母黃古台氏追封河南郡王夫人制

功成治定念股肱肇造之勞善積慶流亦伉儷相資之

德爰從夫爵用表世勲具官某故曾祖母某氏稟專靖

之姿作孝義之配兵間積苦回文無竇室之詩膝下承

顏養志有姜妻之鯉故能悉心事主結髮從軍教忠實

佐於興邦樹義允儀於中壺宜疏湯沐庶廣源泉象設

六珈廟食三室噫締構經營之匪易家國何殊哀榮終

始之所加閨房與及眷惟淑質歆此寵光可

欽定四庫全書

雪樓集
卷二

故祖父烏蘭哈達贈推忠宣力定遠功臣太尉

開府儀同三司上柱國追封河南郡王謚武

毅制

孝子慈孫之志身欲極於顯揚出將入相之家禮何嫌

於隆盛顧茲節槩實貫幽明具官某故祖父某胄出名

家光分列宿憲宗啓聖勤如博陸於昭宣世祖造邦功

過淮陰於齊趙風披霆擊地闢天開方期文軌之同大

紀旂常之美何滕城遽啓葛陳空存率其伐功幸哉遇